



Semon
Kxf. Dr. Numlaajtsheb Yaaj

“Yexus Pub Mov Rau 5 Txhiab Leej Noj”

Eighth Sunday after Pentecost
Our Savior Lutheran Church
8-3-14

Thov txoj koobhmoov txojkev hlab thiab txojkev haumxeb pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

Mathais 14:21 “The number of those who ate was about five thousand men, besides women and children - *Cov tibneeg uas noj mov hnub ntawd, cov txivneej muaj kwvlam li tsib txhiab leej, tsis suav cov pojniam thiab menyuam.*” ‘Nov yog Vajtswv Txojlus.’ (Cross Reference – Mathais 14:20, 22, Malakaus 6:4, Yauhas 6:10)

Illustration “whose hand” (Show Michael Jordan)



Mauj ibtus tibneeg sau ntau lub xyoo dhau los lawm haistias: “Yog muab lub basket tso rau ntawm kuv txhaistes nws raug tug nqes li \$19.00. Tiamsis yog muab lub basketball tso rau ntawm Michael Jordan txhaistes nws raug tus nqes li \$33 laab dualas. Nyob ntawm txhaistes ua tuav ntawd. (Show Mark McGuire)



Yog muab lub baseball tso rau ntawm kuv txhaistes nws raug tus nqes li \$6.00. Tiamsis yog muab lub baseball tso rau ntawm Mark McGuire txhaistes nws raug tus nqes li \$19 laab duaslas. (70 homerun 1998) Nyob ntawm txhaistes ua tuav ntawd. (Show Pete Sampra)



Yog tus tennis racket nyob ntawm kuv txhaistes tsis muaj nqes dabtsi, tiamsis yob tus tennis racket nyob rau ntawm Pete Sampras txhaistes nws yeej Wimbledon Championship. Nyob ntawd txhais ua tuav ntawd. (Show Moses parting the Red Sea)



Yog kuv tuav tus pasnrig, tus pas ntawd tsua ntau tej tsiaj qus kom khiav deb, tiamsis tus pasnrig uas Mauxes tuav, tus pas ntawd yuav phua tau tus dej hiavtxwv liab ua ob sab. Nyob ntawd txhais ua tuav ntawd. (Show David fighting Goliath)



Yog kuv tuav rab “sling shot” nov tsua yog khoom uasi rau kuv xwb. Tiamsis nyob ntawm Daviv txhaistes, nws yog rab cuabyeej uas tua tau “Goliath - Nkauli-am”. Nyob ntawd txhais ua tuav ntawd. (Show Jesus blessing the 5 loaves and 2 fish)



Yog muab 5 lub ncuav thiab ob tus ntse los rau kuv tuav ces nov tsua yog lub “fish sandwich” rau kuv noj xwb, tiamsis yog nyob rau ntawm Vajtswv txhaistes, nws yuav pub tau rau tsib txhiab leej tibneeg noj. Nyob ntawd txhaises ua tuav ntawd.

- I. Peb Txojmoozoo hnuabno qhia rau peb haistias thaum Yexus hnov haistias Yauhas raug Hemlaj muab txiav cejdab thiab Yauhas cov tubtxib nyuam qhuav coj Yauhas lub cev mus log tag. **(Show Jesus on a boat to a solitary place)**



Yauhas cov tubtxib thiaj li los qhia rau Yexus. (Mathais 14:10-12) Yog li ntawd, *“Thaum Yexus hnov haistias Yauhas tuag lawm, Yexus tibleeg txawm caij nkoj tawm qhov ntawd mus rau ib qhov chaw uas tsis muaj tibneeg. Thaum sawvdaws hnov haistias Yexus mus rau qhov ntawd lawm, lawv txawm tawm hauv lawv tej nroog taug ntug dej*

caum Yexus qab mus.” (Mathais 14:13) Nej nco ntsoov haistias, thaum Yexus pib nws tes dejnum nws kho ntau tus tibneeg muaj mob zoo thiab ua ntau yam txujci rau tibneeg pom. Txhua qhovchaw uas Yexus mus, tibneeg tuaj mloog nws tej lus qhuabqhia thiab raws nws qab mus rau ntau qhovchaw.


(Show Jesus feed the 5000 with 2 fish and 5 bread – video 2.29 Min)



JESUS (English) Jesus Feeds the 5000 - YouTube - 2.29.wmv

Hnuabno peb pom Yexus txojkev uas nws pub mov rau 5 txhiab leej noj zoo li cas. Nws muaj peb lub ntsiab lus rau peb kawm. 1. Yexus pom thiab nws muaj kev hlub rau cov tibneeg. 2. Cov thwjtib tib vim cov tibneeg tshaiplab heev lawm. 3. Yexus mloog lawv tej lus thov thiab pub mov rau sawvdaws noj. Yog muaj tibneeg coob coob raws cov xibhwb qab tiam tamsimno uas yog mloog lawv tej lus qhuabqhia ntseg cov xibhwb no yuav pub mov tsis tau rau lawv noj zoo li thaum Yexus pub mov rau 5 txhiab leej noj lawm. Vim cov xibhwb tiam tamsimno tsis muaj lub hwjchim li Yexus lub vim cov xibhwb tsua yog tibneeg xwb lawv tsis yog Vajtswv. Yog vim li cas Yexus thiaj li ua txujci tseemceeb rau tibneeg pom?


1. Yexus pom thiab nws muaj kev hlub rau cov tibneeg. Vim lawv zoo li pab yaj uas tsis muaj tus tswv pab saib pab tus. Yexus txhawj txog thiab hlub txog nws thiaj li kho lawv tej mob kom zoo. Cov kwvtij thaum koj pom lwmtus tej kev txomnyem koj puas muaj kev hlub rau lawv? **(Show Matt Damon)**



Tus actor Matt Damon mus rau tebchaw Africa mus nrhiav chaw saib puas muaj cheebtsam zoo ua nws zaj documentary txog tus tibneeg uas ndhia tom tiaj suabpuam. Thaum nws mus xyua lub tebchaw nws pom Haiv tibneeg Africa txojkev txomnyem av qhuav qhawv tsis muaj dej huv haus los pab rau lawv haiv tibneeg. Nws thiaj li pib lub


koomhaum kom koj tau cov dej huv los rau rau tibneeg kom tibneeg thiaj li tsis muaj mob thiab tau dej ntshiab haus. Matt Damon mus pom txojkev txomnyem, nws hlub thiab movtshua txog, nws thiaj li nqis tes pab haiv tibneeg ntawd. Yexus pom cov tibneeg ntshaw txog txojkev hlub Yexus thiaj li tsis khiav nkaum tiamsis nws txaus siab hlo los mus pab kho lawv tej mob thiab qhia lawv txog txojkev cawmdim.

II. Koj puas pom txojkev uas hlub thiab pab lwmtus losyog koj tseem tib xwb tsis ua dabtsi li? (**Show disciples complain to Jesus**)



Nyob rau peb Toxjmoozoo cov thwjtim tib Yexus kom Yexus cia li tso lawv mus tsev vim lub sijhawm pib yuav tsau ntuj thiab tibneeg tshaib plab heev lawm. Nyob tsam tibneeg ho muaj teebmeem coob zuzus tuaj ntxiv rau ntawm txojkev uas pheej zov Yexus. Nov yog lub ntsiab lus thib **2. Cov thwjtim tib vim cov tibneeg tshaibplab heev lawm.** Yexus teb nws cov thwjtim haistias,” They do not need to go away. You give them something to eat -

Tsis txhob kom lawv mus, nej cia li muab mov rau lawv noj!” (Mathais 14:16)
Koj puas tau yws losyog tib lwmtus? Peb tibneeg nyiam yws thiab tib lwmtus. Nov yog ntawm sab nqaijtawv ntawm tibneeg. Ntawm sab nqaijtawv muaj kev txhaum. Tibneeg xav txog nws tus kheej heevduas li lwmtus. (**Show shine like star**)



Cov thwjtim tej zaum tsis yog tib rau cov tibneeg tshaibplab xwb tiamsis lawv kuj txhawj txog Yexus vim lawv nrog Yexus ua dejnum tsis tau so li. Lawv xav kom cov tibneeg ntawd mus tsev es lawv tus xibhwb thiaj li so los siav thiab thiaj li tsis sab nws. Vajtswv Txojlus qhia haistias, peb yuavtsum tsis txhob tib lwmtus, yws losyog cam txog lwmtus peb thiaj li tsi muaj qhov dub qhov txoom kom peb tsis

txhob poob mus rau txojkev txhaum. Paulus thiaj li sau rau cov Filipis tias, “Do everything without grumbling or arguing, so that you may become blameless and pure, “children of God without fault in a warped and crooked generation.” Then you will shine among them like stars in the sky – *Ib puas tsavnyam uas nej ua, nej*

tsis txhob yws thiab tsis txhob sib cav sib ceg, nej thiaj yuav ua tau tibneeg zoo uas tsis muaj leejtwg yuav thuam tau, thiab ua tau Vajtswv cov menyuam uas zoo kawg nkaus uas nrog cov tibneeg tsis ncaj thiab muaj txim nyob ua kev hauv ntiajteb no. Thaum no nej thiaj li yuav ci li lub hnuv qub saum ntuj.” (Filipis 2:14-15) Txawm Vajtswv Txojlus hais li ntawd los tibneeg tseem niajnub yws thiab tib mus tas li. Peb yeej paub haistias tej no tsis zoo los tibneeg tseem pheej ua.

3. Yexus mloog lawv tej lus thov thiab pub mov rau sawvdaws noj. Thaum Yexus hais kom cov thwjtim muab mov rau cov tibneeg ntawd noj lawv xav tsis thoob thiab teb tsis tau Yexus vim lawv txhawj heev thiab tsis paub yuav ua li cas? **(Show 2 fish and 5 breads)**



Tiamsis muaj lwmtus nqa tau obtug ntse thiab tsi lub ncuav los rau Yexus. Lawv thiaj li haistias, “We have here only five loaves of bread and two fish,” they answered - *Cov thwjtim teb haistias, “Peb tsuas muaj tsib lub ncuav thiab ob tug ntses xwb.”* (Mathais 14:17) Cov kwvtij nej puas tau teb tej lus zoo li no txog peb pawgntseeg ntawm Our Savior Lutheran Church no? Nej puas tau haistias, “Peb


pawgntseeg tsua muaj li no xwb, peb tsis muaj kev txawj kev ntse, peb tsis muaj tibneeg, peb tsis muaj peevxwm li lwm pawgntseeg, peb tsis muaj nyiaj muaj txiaj mus ua Vajtswv tes dejnum?

III. Tiamsis nej saib rau ntawm Yexus tes dejnum ntawm peb Txojmoozoo hnuvno, Yexus pom tias cov tibneeg tshaib plab nws thiaj li siv Vajtswv lub hwjchim los pub mov rau 5 txhiab leej noj. **(Show feeding the 5 thousand)**



Nov tsua yog cov txivneej xwb twb tsis suav cov pojniam thiab cov menyuam. Yog peb lawm twv tej zaum ntseg muaj tshaj li 7-8 txhiab leej yog suav cov menyuam thiab cov pojniam nrog. Txawm haistias tsua muaj 5 lub ncuav thiab obtug ntse xwb los Yexus pub tau rau txhuatus noj thiab tseem seem 12 tawb. Ntau zaug peb muaj tsis txaus, peb cov tswvcuab tsawg, peb tsis txawj tsis ntse li lwm

pawgntseeg los yog peb muaj txojkev ntseeg lawm, Vajtswv yuav foom koobmoov rau tes dejnum kom nws tawg paj txi txiv zoo li cov mov thiab cov ntse uas noj seem thiab noj tsis tag rau ntawm Vajtswv tes dejnum.



(Show Billy Graham) Billy Graham haistias, “My purpose in life is to help people find a personal relationship with God, which I believe, come through knowing Christ – *Kuv lub homphiaj ua neej nyob yog pab tibneeg nrhiav txojkev*


sib raug zoo nrog Vajtswv, vim Kuv ntseeg, uas yog los ntawm txojkev paub Khetos.” Billy Graham yog ibtug xibhwb uas qhuabqhia Vajtswv Txojmoozoo thiab muaj tibneeg 210 laab tus tibneeg thiab 185 lub tebchaws tau hnob Billy Graham qhia Vajtswv Txojmoozoo. Billy Graham yug lub 11-7-1918, plaub hnub uantej Armistic Day uantej WWI xau. Nws loj hlob nyob rau Charlotte, North Carolina, nws hlob rau lub sijhawm “the depression – *Kev nyuajsiab txomnyem*” raug rau tebchaw Asmesliskas thiab nws pab nws tsev tibneeg ua liaj ua teb. Xyoo 1934, Billy Graham muaj 16 xyoo thiab nws los ntseeg Vajtswv. Southeran Baptist tsa nws ua xibhwb rau xyoo 1939. Xyoo 1949 The Los Angeles Crusade pib txhawb Billy Graham tes dejnum. Nws teem sijhawm qhuabqhia 3 asthiv xwb tiamsis dhau mus rau 8 asthiv. Txhua hmo tibneeg tuaj mloog Vajtswv Txojlus ua lub tsev ntaub puv mus tag li. Nws mus rau London ua ibyam thiab teem ntxiv mus dhau li 12 lub asthiv. New York dhau mus ua 16 asthiv.

Cov kwvtij hlub thiab movtshua, txawm peb tsis yog Billy Graham, peb tsis yog Paulus losyog Petus. Txawm peb tsis muaj kev txawj kev ntse thiab tsis txawj qhuabqhia los yog peb mob siab ua Vajtswv tes dejnum ces Vajtswv yuav foom koobmoov rau tes dejnum ntawd kom huamvam. **(Show feeding the 5,000)**



Txojkev ntawm Yexus pub mov rau 5 txhiab leej noj yog Yexus muaj kev hlub rau tibneeg. Thaum cov tibneeg pom obtug ntse thiab tsib lub ncuav, lawv yuav xav haistias yuav ua li cas txaus lawv noj. Tiamsis vim Yexus yog Vajtswv, nws foom koobmoov rau obtug ntse thiab tsib lub ncuav thiab hais kom cov thwjtim cia li muab faib rau cov tibneeg ntawd noj. Thaum lawv noj tsau lawm, cov ntawd tseem tshuav tshaj li 12 tawb. Peb yog cov ntseeg peb pom

Yexus tej txujci. Peb yuavtsum cia siab rau Yexus. **(Show I am the Bread of Life)**



Yexus haistias “I am the bread of life. He who comes to me will never go hungry, and he who believes in me will never be thirsty – *Kuv yog cov mov uas cawm txojhia. Tus uas los rau ntawm kuv yuav tsis tshaib nqhis li, thiab tus uas ntseeg kuv yuav tsis nqhis dej li lawm.*” (Yauhas 6:35) Yexus hais kom peb tsis txhob txhawj txog kev noj kev haus thiab tsis txhob txhawj rau tagkis vim tagkis nws muaj nws kev txhawj lawm. (Mathais 6:25-34) Peb yuavtsum cia siab rau

Yexus. Peb zoo li tus tibneeg uas poobzoo lawm peb yuavtsum tos kom tus tswv rov los nrhiav peb los rau ntawm Yexus txojkev cawmdim. Thaum Yexus pub mov rau 5 txhiab leej noj yog nws qhia tias nws yog cov mov uas cawm txojhia. Tsis yog cov mov rau ntawm sab nqajjtawv tiamsis yog rau ntawm sab ntsujplig uas tau txojhia mus ibtxhis thiab ibtxhis. Asmees

Thov kom Vajtswv txojlus pub rau peb sawvdaws totaub thiab tau nyob kajsiab lug rau ntawm Tswv Yexus Khetos lub npe. Peb txhua tus uas yog Vajtswv cov menyuum peb sawvdaws hais: Asmees.